

(<https://news.usm.my>)

Berita Mutakhir

25  
JAN

## USM TERIMA KUNJUNGAN ALETHEIA UNIVERSITY TAIWAN



PULAU PINANG, 24 Januari 2018 – Universiti Sains Malaysia (USM) hari ini menerima kunjungan delegasi dari Jabatan Pengurusan Sukan, Aletheia University, Taiwan bagi melihat kepakaran dan kemudahan sukan USM seterusnya mewujudkan kolaborasi antabangsa untuk masa hadapan.

Delegasi Aletheia University diketuai Profesor Dr. Lu Ying Yi, pakar dalam Pengurusan Sukan dan Rekreasi bersama 12 orang Profesor bidang yang sama disambut oleh mantan Dekan Pusat Pengajian Sains Kesihatan USM, Profesor Dato' Dr. Ahmad Zakaria; Pengarah Pusat Sukan dan Rekreasi USM, Muhamad Mohd Hanif dan pegawai-pegawai utama bertempat di Stadium Olahraga, Pusat Sukan dan Rekreasi USM.



Pada sesi lawatan selama 3 jam antara lainnya membincangkan perkara-perkara yang melibatkan kemudahan sukan dan penawaran akademik bagi tujuan pembangunan sukan kedua-dua buah negara.

Pada sesi taklimat, Prof. Dato' Dr. Ahmad Zakaria berkata, kerjasama di antara kedua-dua buah institusi antarabangsa cukup memberi impak positif kepada pembangunan sukan terutamanya mempelajari sesuatu yang baharu daripada teknologi kepakaran dari Taiwan.



“Saya mengharapkan selepas pertemuan ini akan berlaku pertukaran ilmu termasuklah tenaga pengajar dan pelajar bagi tujuan terbabit.”

Jelasnya, sememangnya USM juga amat inginkan pendedahan luar peringkat antarabangsa yang mampu meningkatkan kualiti sukan di USM.

Pada majlis yang sama, Ying Yi berkata sememangnya kerajaan Taiwan mengalu-alukan Institut Pengajian Tinggi (IPT) tempatan untuk berkolaborasi di dalam bidang sukan dan rekreasi terutamanya dengan IPT di Malaysia yang mempunyai prasarana dan kemudahan sukan antara yang terbaik di rantau ASEAN.



“USM adalah antara IPT yang dipilih berdasarkan kepada reputasi dan kualiti akademik dan sukan yang mampu memberi impak positif kepada pembangunan sukan di Taiwan dan Malaysia.”

Tambah Ying Yi, atas sebab itulah saya membawa semua Profesor yang pakar dalam bidang sukan masing-masing untuk bersama-sama menilai dan mencari kaedah terbaik berkobalorasi dengan USM memandangkan USM antara yang terbaik dari segi fasiliti akademik dan sukan.

“Pihak Aletheia University amat mengharapkan penyertaan USM dalam apa juga aktiviti, majlis dan persidangan yang dianjurkan bagi bersama-sama berganding bahu merealisasikan hasrat kedua-dua pihak.”

Selepas sesi taklimat dan perbincangan, delegasi turut dibawa melihat kemudahan sukan yang disediakan seperti Stadium Olahraga, Stadium Hoki, Kompleks Tan Sri Azman Hashim, gelanggang tenis dan lain-lain.

Teks: Mohd Azrul Mohd Azhar



Share This

**Pusat Media dan Perhubungan Awam / Media and Public Relations Centre**

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : [pro@usm.my](mailto:pro@usm.my) (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015